

Angkola - Agape Buku Na Badia - God's Love Letter Scriptures

Johannes 15:9 Huhaholongi do hamu songon pangkaholongi ni Damang tu Au.

Jesaya 43:1,2 - Epesus 2:10 Na nitompa ni Debata do hita on, jana markite-hite Jesus Kristus dipauli Debata hita anso tabaen angka pangalaho na dengan na nipasingkopNia humani di hita.

Jeremia 1:5 - Galatia 1:15 Tapi hara ni dengan ni roha ni Debata, dipili la do au dompak so sorang jana dipiohon la do au laho mangoloi la.

Johannes 15:16 Nada hamu mamili Au. Au do na mamili hamu jana Husuru hamu kehe anso ramos hamu marbatu -- i ma parbatu na dengan. Dung i lehenon ni Damang ma di hamu sanga aha pe na nipangidomunu markite-hite goarKu.

3 Johannes 1:2 Hutangiangkon do anso dengan nian sasudena boti anso laing horas torkis ho nian, laing songon na huboto i na dengan do ngolu partondionmu.

Jesaya 43:4 - 1 Petrus 2:9,10 Tapi anggo hamu, bangso na Hupili do hamu, angka harajaan hamalimon, bangso na badia, bangso hapunjungan ni Debata. Ia do na mamiohon hamu haruar sian hagolapan anso masuk tu bagasan sinondangNia na tumorang i, anso pararatonmunu barita taringot tu angka pambaenanNia na godang i. 10 Na jolo, nada bangso ni Debata hamu, hape anggo saonnari bangso ni Debata do hamu. Najolo, nada dihaholongi Debata hamu, hape anggo saonnari didai hamu do asi ni rohaNia.

Jeremia 31:3 - Epesus 1:4 Dompak so dijadihon dope portibi on, madung ditodo Debata hian hita markite-hite Kristus anso gabe Debata sandiri nampuna hita jana na so martihas di adopanNia. Hara ni holong ni roha ni Debata,

2 Timoteus 1:9 Dipalua Debata do hita jana dipiohon la hara ni na giot baenonNia hita gabe halakNia sandiri. Nada marnida tu angka karejonta i dibaen Debata, tapi marguru tu sangkapNia sandiri do i dohot dengan ni rohaNia. Taran so dijadihon dope portibi on madung songon i hian dengan ni rohaNia adop hita markite-hite Kristus Jesus.

Johannes 3:16 Angke songon i ma holong ni roha ni Debata di portibi on jabat dilehen la AnakNia na sasada i anso sude halak na porsaya tuSia

nada mago, tapi maruli di ngolu na manongtong.

Hosea 11:8; Jesaya 49:15,16; & Jesaya 41:13,14

Lukas 12:32 Ulang hamu mabiar, haru pe hum saotik sajo bilanganmunu!

Angke jop do roha ni Amangmunu mangalehen HarajaanNia i tu hamu.

Mateus 28:20 Laing ajari hamu ma halahi anso burju mangoloi sude na

**Huparentahon tu hamu. Botoonmunu ma. Au ma tongtong rap dohot
hamu lopus tu hasidungan ni tano on.**

**Johannes 14:1 Didok Jesus ma, "Ulang pola marsak rohamunu. Porsaya
ma hamu tu Debata jana porsaya ma hamu tu Au.**

**Masmur 23:1 - Johannes 10:11 Au do parmahan na denggan. Rade do
mate anggo parmahan na denggan manghopkop biri-birina.**

**Masmur 23:2 - Halumbaan 7:17 angke Anak Ni Biri-biri na di tonga-tonga
ni habangsa i noma na marmahani halahi. ToguonNia ma halahi tu mual
ni aek haroroan ni hangoluan. Jana apusan ni Debata ma sude ilu-ilu
sian mata ni halahi.**

**Masmur 23:3,4 - Lukas 1:79 Songon i ma dilehen la sinondangNia tu sude
halak na mangolu di bagasan hagolapan dohot biar. Togu-toguonNia
ma hita di dalan hadameon.**

**Masmur 23:5,6 - 2 Korintus 1:10 Ia do na palua hami sian parmaraan
godang na giot mamatehon i. Jana laing paluaonNia do hami tu angka
ari na giot ro, angke tuSia do hami mararop ni roha.**

**Pilippi 4:7 Hasonangan ni Debata na sumurung sian sude roha,
manjagahon roha dohot pikiranmunu di bagasan Kristus Jesus.**

**Umpama 3:24 & Masmur 4:8 - Johannes 14:27 Hasonangan do
Hutadingkon di hamu. Hasonangan na sian Au sandiri do na Hulehen tu
hamu. Nada songon pangalehen ni portibi on anggo pangalehenKu
hasonangan i tu hamu. Ulang pola susa rohamunu; ulang hamu mabiar.**

**Masmur 33:18 - 1 Petrus 3:12 Angke sai disarihon Tuhan do angka halak
na mangihutkon hagiots ni roha ni Debata, jana sai na tangihonon ni
Tuhan do angka tangiang ni halahi; tapi dialo Tuhan i do angka halak
na mambaen hajahatan.**

**Rom 5:2 Markite haporsayaan tuSia muse do hita dapotan dalan masuk tu
asi ni roha ni Debata. Di bagasan asi ni roha i do hita mangolu, jana
marmoga-moga di bagasan arop ni roha tu hamuliaan ni Debata!**

**Jesaya 55:12 - Lukas 19:40 Tapi dialusi Jesus ma tu halahi, "Hudok ma di
hamu, muda sip halahi, marsurahi ma angka batu on."**

**Johannes 16:22 Laing songon i ma hamu: Susa ma rohamunu saonnari,
tapi marsuo dope Au dohot hamu, gabe jop ma rohamunu; jana nada**

tarbuat sanga ise hajopjop ni roha i sian hamu.

**Lukas 12:9 Tapi barang ise na mamorso Au di jolo ni jolma, porsoon do ia
di adopan ni angka surusuruan ni Debata.**

**Mateus 10:30 Salang obuk na di ulumunu i pe na dung nietong do sudena
i.**

**Jesaya 54:10 - Mateus 24:35 Anggo langit dohot tano on mago do, tapi
anggo hatangKi angkon hot do salolot-lolotna.**

**Mateus 11:28-30 "Ro ma hamu tu Au, sude hamu na loja jana na sorat
bobanna, Hupasonang pe hamu! 29 Ihutkon hamu ma na Hudok,
marsiajar ma hamu tu Au! Angke na lambok do Au jana na serep
marroha, jadi togar ma tondimunu. 30 Angke na pasonangkon do
hudahudangKu, jana nayang do boban na Hupaboankon tu hamu."**

Salomo 2:10 & Hosea 2:14,19,20

**2 Korintus 11:2 Malungun do au di hamu, songon dihalungunkon Debata
sandiri hamu. Tarsongan bujing-bujing na ias dope hamu, na
hupatunangkon tu sada bayo, i ma Kristus.**

**Exodus 3:14 - Ibrani 13:8 Tongtong do sarupa anggo Jesus Kristus, najolo,
saonnari jana ro di salolot-lolotna.**

**Hosea 13:4 - Baenon Ni Angka Rasul 4:12 Deba sian hepengna i dibunihon
ia ma di halahi sandiri jana lobina i ma dipasahat ia tu angka rasul i.
Diboto dadaborunia i do na songon i dibaen ia.**

**Johannes 15:14 Angka ale-alengKu ma hamu muda dikarejohon hamu
sanga aha na Huparentahon tu hamu.**

**Johannes 14:6 Ninna Jesus ma mangalusi, "Au do dalan i dohot
hasintongan dohot hangoluan. Nada adong na tarbaen ro tu Ama i
anggo so markite-hite Au.**

**Halumbaan 3:20 Ligi ma! Jongjong do Au di jolo ni pintu manektek. Muda
adong halak na umbege sorangKi, gabe dibuka ia pintu i, masuk ma Au
mandapotkon ia; mangan ma Au rap dohot ia jana ia rap dohot Au.**